

/ Nabarmentzekoak

- > Abran hegaztiak begiratzeko jarduera (2. or.)
- > Belakoren rock independentea Getxon (3. or.)
- > ZINEBIk Unai Aranzadiren "Total screen" film laburra estreinatuko du (3. or.)



Odol-emateak. Hilak 15, astelehena, eta hilak 18, osteguna, Algortako eta Areetako Geltokia plazetan, hurrenez hurren. Goiz eta arratsaldez.

**A-
GENDA**

Musika. Ute Lemper. Hilak 20, larunbata, 19:00etan, Muxikebarrin (Ereaga aretoa), "Rendezvous with Marlene". Sarrera: 20€.

Getxok 320.000€ bideratu ditu 12 proiektutara txirotutako herrialdeetan

Udalak aurtan 320.000€ banatu ditu garapenerako lankidetzako laguntzen artean, 2030eko Agendaren alde lan egiteko, Garapen Iraunkorreko Helburuak lortzearen bidez, pobrezia amaiara emateko eta planeta babeste aldera. Oraingoan, 12 proiektu jasoko dute laguntza txirotutako herrialdeetan aurrera eramateko (Afrikan hiru, Asian bat eta zortzi Erdialdeko Amerikan eta Hego Amerikan), eta horiei esker, aipatutako tokietako 98.006 pertsonak (horietatik 77.057 emakume), horien gaitasunak handitu ahal izango dituzte, hezkuntza, emakumeen jabetzaren, tokiko garapen, ura, eta osasun arloetan sustatuta.

Diruz lagundutako proiektuak Txirotutako herrialdeetan aurrera eramane beharreko proiektuetarako diru-laguntzak hurrengoak dira:

- 45.700€ Tourseko San Martin Misio Taldearentzat eta Mufungako Lagunen Fundazioarentzat, Kansenyaren eskolaratze proiektu baterako (Kongoko E.D.).
- 44.000€ Pertsonalderentzat, zortzi ikastetxetan urrutiko heziketa programa bat sustatzeko, Perun.
- 28.700€ Entre Amigos-Lagun Artean taldeak jasoko ditu, Guate-



malan emakume indigenak ahalduztzeko.

- 28.700€ Zabalketarentzat, nekazar eremuko emakumeen jabetzaren sustatzeko, Bolibian.
- 28.700€ Ferrer Fundazioarentzat, Indian etxebizitzaren proiektu baterako.
- 28.700€ Mugarik Gabe taldearentzat, indarkeria matxisten kontrako borrokak indartzeko, Bolibian.

- 28.700€ Medicus Mundirentzat, indarkeriak prebenitzeko eta babes komunitarioarako (Guatemala).
- 27.000€ Ayuda Más taldearentzat, Perun haurren eskubideak defendatzeko.
- 25.100€ Sunu Buga Buga erakundearentzat berdintasuneko heziketa duin eta genero ekitatearen aldeko proiektu baterako, Gambian.
- 9.100€ Farmamundi arrisku

egoeran dauden emakume nerabeak artatzeko, Gambian.

- 9.000€ ECCA Romo taldearentzat, Telemako buru-osasun zentrorako (Kongoko E.D.).

Ekintza humanitarioaren arloan, aurtan Medicus Mundi Bizkaia eta Vicente Ferrer Fundazioak 15.000 euro jasoko dituzte bakoitzak Ugandan eta Indian, hurrenez hurren, proiektuak aurrera eramateko.

Hezkuntza-programa Arte Eszenikoak ikasleei hurbiltzeko

Kultur Etxeak 2021/22 arte eszenikoaren Hezkuntza-programa jarri du abian. 2022ko maiatzera arte, batez ere bertoko ikastetxeetako bigarren hezkuntzako eta batxilergoko ikastetxeetako ikasleei zuzendutako hainbat ikuskizun hartuko ditu ekimen horrek. Programaren bidez, gazteei hainbat diziplina eszeniko hurbiltzea nahi dute antolatzaileek, eta haurtzarotik kultur jardueretara joateko ohitura sustatzea ere. Horretarako, askotariko programazioa eskainiko da, zinema, antzerkia eta



Irantzu Uriarte Kultura zinegotzia, Pello Serón errealizadorearekin (ezkerrean) eta Mikel Erkiaga artistarekin (eskuinean)

zirko-dantza hartuko dituen. Saio guztiak Muxikebarrin izango dira, eskola-orduetan.

Halaber, Getxoarteren barruan, eta ikasleen sorkuntza plastikoa eta bisuala sustatzeko asmoz, arte plastikoak eta bisualak bultzatzeko tailerrak jarri dira abian ikastetxeetan. Tailer horien bidez, arte-hezkuntza sustatuko da, bai eta hezkuntza-etapa desberdinetan sormen-prozesuak ezartzea ere.

Informazio gehiago: <https://labur.eus/OQ1SI>



AZAROAK 11 OSTEGUNA

Zinemabarrri. Muxikebarrin (Arrigunaga aretoa), 19:30ean, Jonás Truebaren "La virgen de agosto". 12 urtetik gora. 3,50€.

AZAROAK 12 OSTIRALA

Musika. 19:00etan, Muxikebarrin, Belako. Sarrera: 18€.

Zine-Kluba. Areetako Andrés Isasi Musika Eskolan, 21:00h., Thomas Vinterbergen "Otra ronda". 12 urtetik gora. 3,50€.

Kontularien Kluba. 19:00etan, Algortako Kultur Etxean, ipuinak entzun edo kontatu nahi duten helduentzako saioa. Gaztele-raz. Sarrera doan.

Bertso saio tematikoa. 20:30ean, Algortako Kasinoan, Maialen Lujambio eta Sustrai Colinarekin. ALBEK antolatuta. Izenematea: albegetxo@gmail.com / 650704385

AZAROAK 13 LARUNBATA

Arte digitalen jaialdia. Ardifest. 18:00etan, Muxikebarrin (Arrigunaga eta Areeta aretoak). Severine Beata + Beatriz Sánchez / Linalab / Telurika / RGBdB / Ches / Roman Random / Javier Álvarez. 20€.

Topaketa poetikoa, musika, teatrala eta didaktikoa. 19:30ean, Areetako Musika Eskolan, Poetaliak "Versos del pentagrama" aurkeztuko du. 5€

Antzerkia. 19:00etan Utopianen (Errotaxu poligonoa) "Illas desertas" Artesa Cia konpainiaren eskutik. Sarrera: 10€. Informazio gehiago: www.utopiangetxo.com

Ingurumen aretoa. 10:30-13:30h. Bolueko hezegunetik Ginkana 2.0 autogidatua (8 urtetik aurrera). Beharrezkoa da alde zuzeneko izena ematea: www.ingurumenaretoageko.eus

AZAROAK 14 IGANDEA

Dantza. "Sin permiso: canciones para el silencio". 19:00etan, Muxikebarrin (Ereaga aretoa), Ana Morales Dantza Konpainiarekin. Sarrera: 15€.

Haur Zinea. Areetako Andrés Isasi Musika Eskolan, 17:00etan, "Cascarrabias". Adin guztientzat. Sarrera: 2,50€.

Antzerkia. 19:00etan Utopianen (Errotaxu poligonoa) "Illas desertas" Artesa Cia konpainiaren eskutik. Sarrera: 10€. Informazio gehiago: www.utopiangetxo.com

Bisita gidatua eta antzezua. "deapie". Fidel Iturria. 11:30-12:45h. Argibide gehiago Turismo Bulegoan: 94 491 08 00 / infoturismo@getxo.eus

Ingurumen aretoa. 10:30-11:45 eta 12:15-13:30h. Txiki tailerra: egin ezazu itsas hondoren maketa (3 urtetik aurrera). Beharrezkoa da alde zuzeneko izena ematea: www.ingurumenaretoageko.eus

AZAROAK 15 ASTELEHENA

Odol-emate. Algortako Geltokia plaza. Goiz eta arratsalde.

Kafea lagunartean. 10:30ean Romo Kultur Etxean, Udalak sustatutako Getxo Zurekin proiektuaren barruan.

AZAROAK 16 ASTEARTEA

Hitzaldia. 19:00etan, Villamonteko Kultur Aretuan, "El Tribunal de Justicia de la Unión Europea. Clave de la UE y de los ataques contra ella", M^a Luisa Sánchez Barrueco EBko Zuzenbideko irakasle eta ikertzailearen eskutik. Deustuko Unibertsitatea. Antolatzaile: Eurgetxo-Asociación Europeista Ciudadana. eurgetxo@outlook.com

dana. eurgetxo@outlook.com

Gazte Sortzaileen Topaketa. Garazi Basterretxea bidelariarekin, 17:30etik 19:00etara, Azebarri kultur elkartearen, EGIZUK antolatuta. Doan. Informazioa: egizugetxo@gmail.com / 619 935 541

AZAROAK 17 ASTEAZKENA

Kontatu erretratu hau. 18:00etan, Romo Kultur Etxean (3. solairua), 60 urtetik gorako pertsonen argazki zaharrez dakitena kontatzeko tailerra (Getxoko ondarearen identifikazioa). Aldez aurretiko izenematea: 94 466 00 22.

Irteera Muskizeko El Pobal Burdinolara. Inskripzioa zabalik AJANE-Algortako Nagusien Elkartearen egoitzan (J.B. Zabala kalea 6), astearte eta ostegunetan, 11:30etik 13:00etara.

Ikastaroa: Jokabide suizidaren prebentzio komunitarioa. Getxo Elkartegian, 17:00etan, Udalak sustatutako Getxo Zurti-Getxo Zurekin proiektuaren barruan.

AZAROAK 18 OSTEGUNA

Odol-emate. Areetako Geltokia plazan. Goiz eta arratsalde.

Ipuinaren ordua. Algortako Kultur Etxean, 18:00etan, "El cumpleaños del bosque", Anabel Muroren. 3-8 urte. Sarrera dohainik, edukiera bete arte.

Kontzertua: Bakarka zikloa. Noa & The Hell Drinkers, 19:00etan, Romo Kultur Etxea-RKEn. Sarrera: 5€.

Zinemabarrri. Muxikebarrin, 19:30h., Autumn De Wilderen "Emma"-ren emaldia. Adin guztientzat. 3,50€.

AZAROAK 19 OSTIRALA

Antzerkia. La casa de Bernarda Alba. 19:00etan, Muxikebarrin, Utopianekin. Sarrera: 5€.

Zine-Kluba. Areetako Andrés Isasi Musika Eskolan, 21:00etan, Cesc Gayren "Sentimental". 16 urtetik gorakoentzat. 3,50€.

AZAROAK 20 LARUNBATA

Ipuin-kontaketa. Storytime. Romo Kultur Etxean, 11:00etan, "The dress maker", Kids&Us Getxo-Algortaren eskutik. Ingelese. Gonbidapenak: getxo@kidsandus.es / algorta@kidsandus.es

Musika. Ute Lemper. 19:00etan, Muxikebarrin (Ereaga aretoa), "Rendezvous with Marlene". Sarrera: 20€.

Kontzertu solidarioa. Algortako Tourseko San Martin parrokian, 19:00etan, Itxartu Abesbatzaren kontzertua San Martin de Tours GKEn alde.

Ingurumen aretoa. 10:30-12:00 eta 12:00-13:30h. Naturaren detektibeak (6 urtetik aurrera) + Esploratzaile txikiak (3 urtetik aurrera). Aldez aurretik izena eman behar da: www.ingurumenaretoageko.eus

AZAROAK 21 IGANDEA

Zinemabarrri. Muxikebarrin, 12:00etan, "Peter Rabbit 2: A la fuga". 7 urtetik gorakoentzat. 2,50€.

Haur Zinea. Areetako Andrés Isasi Musika Eskolan, 17:00etan, "Dos colegas al rescate". Adin guztientzat. 2,50€.

Antzerkia. 19:00etan, Muxikebarrin, "Kopaz kopa", Ados Teatroarekin. 12€.

Antzerkia. "Emakumeak Eszenan". 19:00etan, Romo Kultur Etxean, "La sirena varada", Hamaiakarekin. 3€.

Bisita gidatua eta antzezua. "Deapie". Francisca Labroche. 11:30-12:45h. Informazioa: Turismo Bulegoa: 94 491 08 00 / infoturismo@getxo.eus

Ingurumen aretoa. 10:30-12:00 eta 12:00-13:30h. Landareen indarra (3 urtetik aurrera). 10:30-13:30h. Bolueko esploratzaileak: hezegunetik ekin-tza autogidatua. Aldez aurretik izena eman behar da: www.ingurumenaretoageko.eus



Getxok Memoria Eguna ospatu du

Memoria Eguna dela eta, Amaia Agirre alkateak eta EAJ-PNV, PSE-EE, EH-Bildu eta Elkarrekin Podemoseko udal ordezkariak elkarretaratze isilean hartu zuten parte, asteazkenean, Udaletxearen aurrean eta Eusko Jaurlaritzaren deialdiari jarraituz. **Bakearen alde egin zenuten guztioi, eskerrik asko! leloarekin, "bakearen alde aurkeztu ziren pertsona, elkarte eta mugimenduei eskerrak emateko ekitaldia"** izan zen. **"Egoera txarretan ere, bizikidetzaren demokratikoa eta giza eskubideen eta bakearen defentsan oinarritutako gizarte eraikitzen eta defendatzen ahalegindu diren pertsonen konpromiso zibikoa nabarmendu nahi da".**

Bikaina udal-egoitzarentzat gogobetetze-inkestetan

Jesusen Bihotzaren udal-egoitzan joan den irailean egindako gogobetetze-inkestek puntuazio bikaina lortu dute, 10etik 8 eta 9 bitartekoa, kontsultatutako gai desberdinetan. Eguneko arreta-zerbitzuen eta etxebizitza komunitarioaren 60 erabiltzailek, senidek eta hurbilekoek hartu dute parte inkestan, baita Aldundiarekin hitzartutako ere. "Pozik gaude lortutako puntuazioarekin, egiten ari garen lana aintzatesten duelako, ahaztu gabe COVID-19arekin bizitako egoeraren ondoren ere lortu direla datu onak", azaldu du Keltse Eiguren udal egoitzako zinegotzi arduradunak. Ildo horretan, erabiltzaileek

8,4ko puntuazioa eman diote zentroari eta 8,7koa zerbitzuei eta profesionali. %81ak beste pertsona batzuei gomendatuko lioke zentroa. Bestalde, senideek eta hurbilekoek 8,8ko puntuazioa eman diote zentroari, 9 zerbitzuei eta profesionali, eta %85ak bere ezagunei gomendatuko lioke zentroa. Erabiltzaileen %89k eta familien %85ak uste dute langileak ahalegintzen direla artatutako pertsonen eskare, gustuei eta lehentasunei erantzuten, eta nabarmendu behar da, halaber, sukaldaritza-tailerretako jardueraren berriak 9,4ko puntuazioa lortu duela.



Harrera Plana egiteko lehen lan saioa

Ahots aniztasun handiena biltze aldera, udalerriko entitate eta taldeetako 25 bat ordezkariak parte hartu zuten pasa den astean Udalak sustatutako Harrera Planaren lehen lan saioan. Planaren helburua da elkartasuna eta kultura-aniztasunaren onarpena sustatzea, abantaila gisa ulertuta, 2020-2023 urte arteko Udal Legegintzaldiko Planak erronken artean jasotzen duenez.

GIHak eztabaidagai

Azaroaren 19an, ostiralean, Tokiko Elkartasunari buruzko Europako beste jardunaldi bat izango da Muxikebarrin, aurrez aurre, *GIHak euskal politika publikoetan* gaiari buruz. Garapenerako Lankidetzaren Euskal Agentziak, Euskal Fondoak eta Getxoko Udalak antolatzen dute ekitaldia, Platformarekin (Hezkuntza globalerako eta nazioarteko lankidetzarako Europako hiri eta eskualdeen Sarea) elkarlanean. Izenematea: euskalfondoa@euskalfondoa.eus

Abran hegaztiak begiratzeko jarduera

Areetako Kaiko pasealekua, La Bola hondartzaren ondoan, hegaztien behatoki izango da larunbat honetan, hilak 13, 10:00etatik 13:30era. Ingurumen Arloaren eskutik, eta teleskopio, prismatiko eta landa-giden bidez, hainbat espezieko hegaztiak erakutsiko dira (koartzak, zangaluzeak, txenadak, txilinportak, murgilak, pottorroak, araoak, aliotak...). Horiek barruko Abraz baliatzen dira babesteko, negua igarotzeko, migratzeko... Naturari egiten dioten ekarpena ere erakutsiko da. Jarduera doakoa da eta ez da alde zuzeneko izena eman behar.

Getxo Enpresaren bi ekimen berri

Getxoko saltokiek, elkartekide izan edo ez, Getxo Enpresa elkartearen bi ekimen berrietan parte hartu ahal izango dute, Eusko Jaurlaritzaren babesarekin. Lehenengoa saltoki txikien irudia hobetzen saiatzen da, banaka eta taldeka, establezimenduaren eta haren produktuen argazki-katalogo edo book baten bidez. Bigarrenaren helburua da Whatsapp aplikazio unibertsala erabiltzea eta integratzea tokiko negozio txikiak ohiko bezero potentzialekin komunikatzen, eta eskaintako arreta profesionalizatzea.

Lehen proiektuarekin bat egiteko epea ostiral honetan bertan, hilak 12, amaituko da, eta bigarrenarekin, asteartean, hilak 16. Plaza mugatuak dira.

Tratu txarren biktimak artatzeko Eusko Jaurlaritzaren telefono zerbitzua: 900 840 111

STAFF Getxoberri eGetxoko Udaleko Komunikazio Sailak kaleratutako argitalpena da eta horretan udalari eta tokiko bizitza-erakundeetako albisteak eta informazioak agertzen dira astero. Komunikazio zinegotzia: **Ainhoa Galduroz** Zuzendaria: **Javier García**. Erredaktoreburua: **Itziar Aguayo**. Erredaktorea: **Nekane Ardanza**.

Monika Rodrigo, Iñigo Olondo. Urgull Kalea z.g., 4º. Tel. 94 466 03 20. 48991 Getxo. E-posta: getxokoudalalprentsa@getxo.eus Arte arduradunak: **Bostnan Bilbao S.L.** Inprimaketa: **Bilbao Editorial Producciones S.L.U.** Banaketa: **Lantegi Batuak** Gordailu legala: **BI-388-87**



Larunbatean, hilak 13, 18:00etatik aurrera, Muxikebarriko Arrigunaga eta Areta aretoetan

“ARDI fest” Arte Digitaleko jaialdia Muxikebarrin

Larunbatean, hilak 13, 18:00etatik aurrera, Muxikebarriko Arrigunaga eta Areta aretoetan, Arte Digitaleko Jaialdia izango da, *ARDI fest*. Ekimen berritzailea da eta hainbat diziplina artistiko nahasten dira bertan. Kultur Etxeak hautatutako proiektua da, Covid-ak sektorean dituen ondorio sozio-ekonomikoak arintzeko *Getxo Ekinez* planaren barruan, programazio artistikorako proposamenen lehenengo deialdian.

Arrigunaga aretoan ikusmen handiko hiru saio izango dira, esperimentazio musikarekin eta soinu-paisaien sorkuntzarekin batera: Severine Beatak eta Beatriz Sánchezek retro-futurista izaerako ikusizko eta soinu-zuko ingurune bat sortuko dute prozesu analogiko eta digitalen hibridazioaren bitartez denbora errealean. RGBdB talde bartzelonarrak, berriz, bere trebetasunak koordinatuko ditu eszenatokiaren gainean ikus-entzunezkoak

“Eskola eta kultura artekotasuna” jardunaldia

Udalak, Moviltik elkartearekin lan-kidetzan, *Getxo hiri harreragile eta hezitzailea: eskola eta kulturartekotasuna* jardunaldia antolatu du azaroaren 22an Romo Kultur Etxean, Loturak programaren barruan. Hezkuntzako langile eta publiko orokorarentzat izango den lehenengo zatia 9:15ean hasiko da *Eskola eta Kulturartekotasuna* hitzaldiarekin, Amelia Barquín irakaslearekin (Mondragon Unibertsitatea). Ondoren, hezkuntza-arloko kideek ikasle atzerritarrak ikastetxeetan hartzeak planteatzen dituen errokei buruzko hausnarketak egingo dituzte. Izenematea: 688897661 maria@moviltik.org

sortzeko, likidoak manipulatu eta forma organikoak eta kolorea sortuz, denbora errealean soinu eta musika bihurtuta. Telurikak musika elektronikoari eta arte digitalari buruzko azken saio bat eskainiko du denbora errealean.

Areta aretoak musika hutsezko saioak hartuko ditu, agertokiaren gaineko argi jokoekin batera. Bertan arituko dira: Janira Ndjoli (Ches), dantza erritmoekin nahastutako turntablism eta scratch saio bat eskainiko duena; Lina-Lab, live coding edo Familiar DIY aztertzen eta sustatzen duena; eta Clo Sísmico, raperoa eta musika-ekoizlea, bere musikaren ardatza garai, estetika eta sonoritate desberdinetako Latinoamerikako grabazioak erabiltzea delarik.

Sarrerak Kutxabaneko kutxazain sarean eros daitezke, Muxikebarriko txarteldegian bertan edo online www.tickets.kutxabank helbidean.

ZINEBIk Unai Aranzadiren “Total screen” film laburra estreinatuko du

ZINEBIk, Bilboko Dokumentalen eta Film Laburren Nazioarteko Jaialdiak, Unai Aranzadi getxotarraren *Total screen* (Pantaila osoa) film labur-dokumentala estreinatuko du datorren astelehenean, azaroak 15, 18:00etan, Bilboko Azkuna Auditoriumean. 25 minutuko dokumentala da lana, Asiatik egindako bidaiaren grabatuta, getxotarraren gidoi, zuzendaritza eta ekoizpenarekin, eta Independent Docs bere produktoreak banatuta. Ikusleek pantaila ikusirik eraikitako harreman burugabea ikusi ahal izango dute. Aranzadik berak aitortu duenez, “lanak ez du

Belakoren rock independentea Getxon

Belako taldea izango da ostiral honetan, hilak 12, Muxikebarrin, *Pandemic tour 2020 Sailing* dokumentala proiektatzeko. Horren ostean, kontzertua eskainiko du. Mungiaokoa, 80ko hamarkadako post-punkaren eta new wave-aren berrikuspenak Estatuan aitzindari dituen rock independenteko taldeetako bat da. Akorde erretro-futuristik, punk-rock soinu gordinak eta elektronika sinfonikoaren giro beroak izango dira 19:00etatik aurrera. Sarrera: 18 euro.



Ana Moralesek “Sin permiso” ikuskizun saritua aurkeztuko du

Ana Morales dantza konpainiak *Sin permiso: canciones para el silencio* ikuskizun saritua aurkeztuko du igande honetan, hilak 14, 19:00etan, Muxikebarrin.

Egungo flamenkoa iraultzera etorri den artisten belaunaldiko kide da Morales. Bere lanek forma zabaleko mugimenduak, sentsualitatea eta berezko dotorezia proposatzen dituzte.



Noa & The Hell Drinkers Romo Kultur Etxean joko du

Noa & The Hell Drinkers blues-rock taldeak kontzertua eskainiko du datorren ostegunean, hilak 18, 19:00etan Romo Kultur Etxean, *Barkarka* zikloaren barruan. *Craft Blues* bigarren albumarekin eta zuzeneko harrigarriarekin, estatuko hainbat jaialditan arrakasta lortzetik datoz. Sarrera: 5 euro



“Versos del pentagrama”, Areetan

Larunbatean, azaroak 13, Areetako Andrés Isasi Musika Eskolak *Versos del pentagrama* ikuskizuna hartuko du, *Poetalia* aldizkariak antolatutako topaketa poetikoa, musikala, teatrala eta didaktikoa. Gidoia eta zuzendaritza Jesus Martinen eskutik da-

tor, kolaborazio berezia Ana M^a Juez eta Eduardo Villegasen aldetik, eta partaideak honakoak: Carmen Martínez eta Jesús Martín (rapsodak), Eduardo Florido (teklatua) eta Lola Ramos (bakarlaria). Sarreraren prezioa: 5 euro.

aurretik neuk egindako ezeren antzik. Apustu arriskutsua izan da eta pozten nau sarbide zaila duen ZINEBIk horrela ikusi izanak”.

Lan horretan talde indigena batek antropologo bat hil izanak eraginda, flâneur bat (kaletik ibiltzen dena) irudi-teknologia desberdinak erabiltzen dituzten munduko hainbat hiritara doa bere bideo-kamerarekin. Konturatu gabe, bidaiariak pandemiaren aurreko egunak dokumentatuko ditu, eta pantailen aurrean biziko dugun isolamenduaren alegoria bihurtuko dira bere ohar asko. Sarrerak salgai: <https://labur.eus/Q5P7h>





“Txiki Baskardo” haur kontakizunen lehiaketa ere abian da

“Ramiro Pinilla” nobela laburren lehiaketaren edizio berria

Kultur Etxeak Ramiro Pinilla eleberrri laburren lehiaketaren bosgarren edizioa abian jarri du. Ekimen horren helburua, Pinillesca kolektiboarekin lankidetzan, egile ezagun haren oroimena babestea eta literatura-sorkuntza bultzatzea eta sustatzea da. Lehiaketa honekin batera, *Txiki Baskardo* haurrentzako kontakizunen lehiaketaren bosgarren edizioa ere hasiko da, DBHko lehen mailako ikasle getxotarren artean literatura-sorkuntza bultzatzera zuzendua.

Eleberrri laburren lehiaketan gaztelaniazko zein euskarazko testuak aurkeztu ahal izango dira, 2022ko otsailaren 18ra arte. 6.000 euroko bi sari eta 1.000 euroko dirulaguntza emango dira liburua argitaratzeko. Deialdiaren oinarriak hemen daude: www.getxo.eus/ramiopinilla

Txiki Baskardo izeneko lehiaketak bi partaidetza-modalitate ditu: ikastetxearen beraren bidez edo norberaren kabuz. Bi kasuetan hainbat pertsona hautatuko dira sariak jokatuko diren finalean

parte hartzeko, sari bat hizkuntza bakoitzeko. Parte hartzeko epea 2022ko apirilaren 23an amaituko da. Oinarriak hemen: www.getxo.eus/txikibaskardo



“Sotarrak: distira eta mendekua”

Eugenio Ibarzabal idazleak *Esplendor y venganza: los Sota* liburua aurkeztu du Romo Kultur Etxean, familia horrek izan zuen ospearen eta ondorengo espolioazioaren historia kontatzen duen lana. Liburuak sagako hiru belaunaldi erreparatzen ditu, eta belaunaldi horietako pertsonaia nagusia Ramon Sota da. Sotarrak bereizteko, egileak haien bigarren abizena erabiltzen du: Ramon Sota Llano, patriarka; Ramon Sota Aburto, semea; eta Ramon Sota Mac Mahon, biloba. Liburu hiru zatitan banatzen da eta zati bakoitza belaunaldi bati eskainita dago.

Bigarren Eskuko Liburu Azoka Romo Kultur Etxean

Datorren igandera arte, hilak 14, Bigarren Eskuko Liburu Azoka egingo da Romo Kultur Etxean. Udal Liburutegi Zerbitzuak Garapenerako Lankidetzaren arloarekin elkarlanean antolatua, Burundin (Afrika ekialdea) ekofarmakuntza proiektu baterako dirua bilduko du, EKI Fundazioaren bitartez. Publikoak hainbat gaitako liburuak erosi ahal izango ditu, 17.000 baino gehiago, partikularrek liburutegiei egingako dohaintzetatik ateratakoak. Goizez eta arratsaldez egongo da zabalik azoka (igandean goizez bakarrik).



zitzaizkion, Manilako (Filipinak) auzo marjinaletako haurren eskola-materiala erosteko.

Rafa Villaren obraren atzera begirakoa

Victor Miranda Zuazua Musika Eskolak (Gran Vía kalea 13, Sesta) Rafa Villaren obraren atzera begirako erakusketa bat hartuko du azaroaren 30era arte, aurten Madrilen hildako artistaren hil osteko omenaldi gisa. *En el arte encontré mi camino infinito* (Artean nire bide amaigabea aurkitu nuen) izenburupean, bere bizitzaren zati handi batean Getxoko bizilaguna izandakoaren ibilbidearen hainbat koadro adierazgarri erakutsiko dira, horien artean *Adiós amor... me muero* izeneko bilduma, Bizkaiko Labe Garaien erorketari eskainitako sei modulu, Sestaoko udalerriri emandakoa.

Bestalde, Algortako Batzokiko Tabernak Maite Jambrina Akua-relisten Euskal Elkarteko bazkidearen pintura erakusketa hartuko du datorren abenduaren 15era arte. Erakusketak bertako gaiei buruzko formatu txiki eta ertaineko 11 akuarela biltzen ditu.

KIROLAK

Jesús M^a Estrella, Euskadiko txapelduna kulubiz-arrantzan

Jesús M^a Estrella Velascok, Litoral Getxo Arrantza Klubeko presidentea, Euskadiko Itsas-Kulubiz arrantzako Txapelketa irabazi du. Duela gutxi jokatu da Itsasadarreko uretan, Axpe-Erandion. Jesús M^a Estrella (harrapatutako piezetako batekin irudian) finalera pasa ziren beste zazpi lehiakideri gailendu zitzaizkion, jokatutako bi txandetan bederatzi kilo arrain baino gehiago arrantzatu ondoren. Podiuma Imanol Valle (2.) eta Ricardo Ribotek (3.) osatu zuten.



Beste martxa nordiko bat antolatu du Itxartu Taldeak

Itxartu Taldeak beste irteera bat antolatu du martxa nordikoa edo ipar martxa praktikatzeko larunbat honetan, hilak 13, *Makulueikin (nw) edo gabe*, Getxotik ibili goiburupean. Eguraldiak laguntzen badu, irteera 10:00etan emango da Algortako Batzokian. Ibilbidean zehar, COVID-19a dela-eta ezarritako protokoloari eutsiko zaio, hau da, maskara erabili beharko da eta pertsonen artean gutxienez 2 metroko distantzia fisikoa gorde beharko da.

Antolakuntzak martxa egingo den egun berean, 09:15etik aurrera, eskura dituen makila nordikoak banatuko ditu parte-hartzaileen artean. Eta ordu laurden geroago, kirol-jarduera horretan hasteko prestakuntza eskainiko du (Itxartuk hileko bigarren larunbat guztietan egiten du martxa). Ibilaldian parte hartu nahi dutenek, mezu elektronikoko bat bidali beharko dute nw.itxartu@gmail.com helbidera, ostiral hau, hilak 12, baino lehen.